

P. 680, L. -2【一切諸法皆是佛法】《金剛般若波羅蜜經》：「以實無有法得阿耨多羅三藐三菩提，是故然燈佛與我授記，作是言：『汝於來世當得作佛，號釋迦牟尼。』何以故？如來者，即諸法如義。」「如來所得阿耨多羅三藐三菩提，於是中無實無虛，是故如來說：『一切法皆是佛法。』」(T08,p.751 a24-27&a29-b2)

《金剛般若波羅蜜經講義》卷4：「論其近脈，是承無實無虛。而溯其來源，則承諸法如義。意謂，由是諸法緣生而無實，同一如實而無虛，之故，所以如來說一切法皆是佛法。蓋由諸法如義，開出無實無虛。即以無實無虛，顯明一切皆是。還以一切皆是，證成諸法一如。展轉相生，展轉相釋，展轉相成，其實皆明一義。云何一義？應無所住是也。此佛法之所以無一不圓，佛說法之所以無往不妙也。」「總以明離相觀性，則頭頭是道。楞嚴所以云：五蘊、六入、乃至十八界，皆如來藏妙真如性。古德所以言：窗外黃花，莫非般若；庭前翠竹，盡是真如也。是之謂一切法皆是佛法。總之，世出世法皆是緣生。知是緣生，而觀其不異之性、不變之體，則一切皆是矣，諸法一如矣。否則住法發心、住法修行，則佛法亦非佛法，何況一切法。此中所言之佛法，不可局為佛所說法。佛者，覺義。一切法皆是覺法者，謂法法皆菩提，以明菩提非別有法也。蓋離相觀性，則是即一切法上，而覺照一真之性。故法法皆是菩提。此約如義言也。若推廣言之，凡行世間法時，慈悲為本。皆為利他，不存利己，一一不與佛法有違，亦可云世法即是佛法。若其名為行佛法，而有利名恭敬之心。則佛法亦成世法矣。此科是即一切法以明如，即是明諸法與佛法一如也。正所以遣菩提法相，以一切法皆是故。然一法相遣，一切法相皆應遣。」(B07,pp.586 a15-587a11)

P. 680, L. -2【八自在】【八大自在我】即涅槃所含常、樂、我、淨四德中，「我」乃自在無礙之義，大我即如來法身，具足八種大自在，故稱八大自在我。又作八自在、八變化、八神變。即：(一)能示一身為多身。(二)示一塵身滿大千界。(三)大身輕舉遠到。(四)現無量類常居一土。(五)諸根互用。(六)得一切法無得想。(七)說一偈義，經無量劫。(八)身遍諸處，猶如虛空。～《三藏法數》

然諸經所說略異。據法界次第初門卷下所載：(一)能作小，指以變化力使自他身及世界等為極小微塵。(二)能作大，指以變化力使自他身及世界等滿於

極大虛空。(三)能作輕，指以變化力使自他身及世界等如極輕之鴻毛。(四)能自在，指以變化力使大小、長短等轉化自在。(五)能有主，指以變化力自化為大人、小人，而心無高下，降伏一切，攝受一切。(六)能遠至，指以變化力能到遠處；凡有四種，即：(1)飛行遠至。(2)此沒彼出。(3)移遠而近，不往而到。(4)於一念遍至十方。(七)能動地，指以變化力使大地為六種震動或十八種震動。(八)隨意所作，指以變化力而能一身作多身，多身作一身，山壁直過，履水火，蹈虛空，轉四大，使地作水，使石作金等，皆得如意。」～《佛光大辭典》

P. 681, L. 1【一經唯四】《法華經大成》卷 8：「一切語寬。取略而言。四語殆盡。法即道場所得權實之法。眾生性具如來修極。雖有在纏出纏之異。其法體本來真淨故。開佛知見者開此也。自在神力者。即稱性示現。三輪設化。三世益物。放光現瑞。駭動物情等。示佛知見者示此也。秘要藏者。即此法不可示。諸佛安身之鄉。三德秘密之藏。久默不說等。悟佛知見者悟此也。甚深事者。即深固幽遠。無人能到。諸有所作。常為一事。唯一佛之知見。示悟眾生等。入佛知見者入此也。於此經示說者。總結此經功德。說之不盡。撮其樞要。唯此四語。而授與之也。」(X32,p.515c10-20)《法華經授手》卷 9：「此四法。即五重玄義所建立者。一切法。即妙法名也。自在神通既已明見。則疑斷信生用也。秘要之藏。即融萬有。而歸一實相體也。甚深之事。因果該徹。一乘所尚宗也。唯此四句。攝盡一經全旨。斯可見經意。完正宗而總要義。以付囑諸菩薩。始是流通。」(X32,p.788c19-24)

P. 681, L. -6【經卷所在即是道場】（此釋不同於《文句》、《文句記》）

即是道場(總)	得道處	轉法輪處	入涅槃處
妙名(一切皆是)	妙體(實相)	妙宗(本迹因果)	妙用(八自在)
如來一切所有之法	如來一切秘要之藏	如來一切甚深之事	如來一切自在神力
秘密藏	法身德	般若德	解脫德

P. 682, L. 2【諸佛救世者】《法華經授手》卷 9：「前四句總頌。諸佛當其出世。住大神通。無非為救此未聞佛道者。其所以顯現神力。不止於此有無量也。亦不過悅樂眾生。令其深造耳。舌相等四句。頌色徧十方。今新舊住娑婆。以

及他方雲集九界眾生。咸得聞此正宗大業。各發二利之心。其求是道。何等諄切。故為之吐舌放光。現此希有。以結證前文之所受也。譬歎等。頌聲徧十方。普諭此界他方。令知佛滅度後。流通得人。如來出世本懷。不大慰耶。所以現無量神力。以起後付囑流通也。」(X32,p.789a18-b2)

P. 682, L. -5【不可得邊際】《妙法蓮華經文句》卷 10：「『囑累』下二行，『是人之功德』總頌四法。」(T34,p.142b13-14)《法華文句記》卷 10：「囑累下二行總頌四法者，但云囑累至得邊際，具含四義，四義皆是無邊際故。」(T34,p.350b5-7)「四法」、「四義」，應即是如下所頌：「一切法」（即是道場）、「自在神力」（入涅槃）、「秘要之藏」（得菩提）、「甚深之事」（轉法輪）。

P. 683, L. 1【已見我等】《法華經演義》卷 6：「言持經見我等者。蓋釋迦是說此經旨者。多寶是證明此經旨者。分身是助發此經旨者。諸菩薩乃是聽聞而流通此經旨者。從今日後。故能受持此經。則依然如是見釋迦如來。在靈山演說此經。依然見多寶佛塔。湧空中讚言善哉。依然見十方分身諸佛。來集娑婆。助發此經。依然見諸菩薩。同聞此經。而各各發願流通此經。所以能見諸佛菩薩者。以其受持如來一切所有之法故。」(X33,p.269b22-c5)

P. 684, L. 3【轉法輪】《法華經授手》卷 9：「上言不久當得此法。是自利。此言樂說無窮盡。方是利他。謂若能持誦此經。則得於法、於義、言詞、樂說。以成四無礙辯。說法無滯。如風入空。了無障礙。既得如是辯才。於如來滅後。凡佛所說一切經法。隨其次第。亦能如佛以種種因緣、譬喻、言詞。而為眾生說此實相妙法也。自覺覺他。破愚痴暗。喻如日月光明。無所不燭。故能教化無量菩薩。究竟一乘妙果。豈非如來甚深之事耶。」(X32,p.789b22-c5)《法華經大成》卷 8：「如風於空中者。風喻說法。空喻理。風有聲無形。空有名無相。稱性之談。即言忘言。如風行空中。復何障礙。」(X32,p.516b4-6)

P. 684, L. 7【但云於佛道無疑】《法華文句記》卷 10：「後一偈半，頌總結者，總結四法。言若能持，持四法也。」(T34,p.350b13-14)《法華經授手》卷 9：「此頌總結四法。言若能持此四法。信受斯經。畢竟成佛無疑也。從現神力之後。如來正說流通。故告上行等諸菩薩。總一經要義。不出四法。而重疊發明。本為囑累。故此結云。是人於佛道決定無有疑。則此段長文並頌。在囑累流通之前。亦是結前起後。盡此之後。立囑累品也。」(X32,p.789c7-12)